



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

70. Joannes Henricus ab Ostein.

urn:nbn:de:hbz:466:1-11463

IESV in crypta avunculi Antecessoris, quâ sepulturâ donari, multo ante mortem tempore, ab admodum Rever. Patre Societatis Præposito Generali scriptis litteris impetrârat.

*Anno
Christi
1628*

IOAN. HENRICVS

AB OST EIN.

Basileensis Episcopus.

LXX.

SVffragia Canonorum duabus factionibus, & numero utrimq; æqualia, necesse tandem fuit Arbitrorum iudicio committere, factò in id, quod statuerent, unanimi compromisso. Quâ ratione super Ioannem Henricum ab Ostein cecidit sors, seu potius gravissimum Episcopatus pondus, iniquissimis prorsus gerendum temporibus, 27. die eiusdem anni 1628. Et verò, remotissimum fuisse illum à dignitatis

C c 2

huius

Ann.
Christ.
1628.

huius prensatione & ambitu, liqui-
dò demonstravit, fusis ubertim, dum
nominari se audivit lacrimis; ut ab
amicis verba consolatoria mœstus
acciperet, & ab ipso quidem Nuntio
Apostolico, qui tum fortè aderat, ad
humeros oneri supponendos ægrè
admodum induceretur: quamvis
jam Episcopi prioris iudicio, & mu-
nere dignissimus habitus sit, ab ipso
Vicarius Dioecesis constitutus. Quo
ille perfunctus est officio, sedulitate
laudabili; idémque præstitit in Præ-
positura Grandis-vallensi, quam sub-
inde abdicavit, Canonicis Basileen-
sibus adscriptus, ne tot beneficia,
aiebat ille, Ecclesiastica, animum su-
um obruerent. Certè reluctantis
ille dolor & fletus præsagium fuit
ingentium malorum & calamita-
tum, quas Princeps optimus & eius
subditi multis annis, sanè deploran-
das exantlavit.

Ob-

Obtentâ summi Pontificis con-
firmatione anno 1629. die 25. Nov.

Anno
Christi
1629.

Bruntruti Episcopalibus insignibus
honestatus est à Reverendissimo Do-
mino Ioanne Bernardo ab Angel-
loch Chrysopolitano Episcopo, &
Suffraganeo Basileensi, cui proxi-
mam in sacris ritibus operam junge-
bant Abbates, Lucellensis & Bellela-
giensis. Aderant huic quoque so-
lennitati, admodum Reverendus
Dominus Blarer Præpositus, aliique
Cathedralis Ecclesiæ Canonici, per-
illustris Dominus Ioannes Ernestus
Fuggerus Comes, & Dominus in
Bolvveyl, duo germani fratres eius-
dem Reverendissimi Principis, cum
aliis præcipuæ nobilitatis hospiti-
bus.

Primo itaque aditæ potestatis
initio, molitus est opus hætenus
frustra tentatum, aquæ videlicet fon-
tanæ inductionem, tum in arcem,

Cc 3 tum

Anno
Chroſt
1619.

tum in partem urbis editiorem. lamque in eam rem peritorum artificum usus industriâ, medio inde circiter milliari Germanico septentrionem versus, non procul à pago Courchauon, ubi multiplici scaturigine prorumpunt fontes, excavato colliculo eminentiore, quâ parte arcem spectat, subterraneus canalis procedebat ad medium usque spatium ex sententia; cùm ecce, turbo bellicus & inopina militis externi irruptio, aquæ & bene cœptorum cursum sistit, ipsûmque Principem ad tutiora profugum agit. Felicius perfecit, quod Antecessor inchoaverat, & Numini ipse initiavit Delspergæ venustum templum, & Cœnobium Patrum Capucinorum. Egisset alia immortali laude digna, nisi suâ detrusus sede Bruntrutana vix ullo in loco tutus constitisset, ob Suecicum Gallicumue militem, à quo

Anno
Christi
1629.

quo specioso Protectionis nomine,
ita sensim attritus est & exhaustus
Episcopatus, ut proventibus omni-
bus quandoque per militem occu-
patis, ne ipsi Principi fruges suppe-
terent ad panem conficiendum, sed
ipsas ab A catholicis mutuò petere
cogeretur. Quibus adversis diu
multumque conflictatus, animum
servabat constantem, & in ipsa capti-
vitate liberum, unâ in Deum fiduciâ
se identidem solatus, & solenni illo
suo symbolo, cui à pueris fere insue-
verat, *Nasci, pati, mori; Provide-
bit Deus*, vel eo etiam toties cum sin-
gultibus ingeminato pronunciato;
*agere Deum sinamus, adversa secun-
dant: per que tantò felicius in ater-
nū tranquillitatis portum invehimur.*
Nec sola eminebat in Principe Ioan-
ne Henrico patientiæ virtus, quem
totus reliquarum virtutum chorus

Anno
Christi
1629.

penitus obsideret. Etenim exemplo ut omnibus, quotquot eius in Deum, ac Cœlites pietatem observare potuerunt. Piaculi loco duxisset Princeps, etsi gravissimis quandoque divelleretur animus negotiis, ad officij Canonici recitationem, non addere Sanctorum preces Litaneticas; Horas, etiam ut vocamus itemque precatoriam Corollam Virgini matri quotidie persolvendam. Sed & quot hebdomadis, quoad licuit per valetudinis imbecillitatem, Sabbathinum jejunium, ciborum abstinentissimus Anachoreticâ prope austeritate sibi indixerat.

Ex eo cum Deo familiari congressu profluebat utique suaviss illa facilitas & mansuetissima cum quibusvis etiam vilioris conditionis hominibus agendi ratio, quos blando alloquio & mensæ accubitu, Religiosos maximè dignabatur: quos, & pau-

*Anno
Christi
1529.*

& pauperes eo prosequeretur tene-
ritudinis affectu, ut, quantumvis
per belli incommoda ad incitas se
reductum videret, vereretur etiam,
ne sibi mortuo deesset, unde sepeli-
ri honestè posset; nihil tamen de
consuetis eleemosynis detractum
vellet: cui nempe satius esset virtu-
tibus divitem esse, quàm amplo pe-
riturarum opum censu. His igitur,
& sacrosanctis juxta Ecclesiæ ritum
sacramentis omnibus præmunitus,
ad extremam cum morte luctam,
post Vesperarum pensum de S. Con-
rado Episc. & Conf. articulatè & pe-
culiari, ut aliàs, in Divum sensu, per-
solutum, ob repentinum virium de-
fectum à præsentis medico in lectum
componitur; quod dum fieret, san-
guine ex læsis pulmonibus copiosè
erumpente suffocatus, absque sin-
gulari doloris sensu extinguitur, Del-
tpergæ, 26. Novembris, anno Domi-

Cc 5

ni

Anno
Christi
1646.

ni 1646. ætatis 67. Episcopatus 22.
Defuncti corpus in templo Patrum
Capucinorum ante summum altare
in choro sepultum quiescit. Obitus
dies triduum integrum, studiosè ad-
modum dissimulata fuit, dum Ca-
nonici, qui Delspergæ aut Basileæ,
partim alibi in vicinia & ipsi à pro-
priis extorres sedibus in proximo or-
dinis S. Benedicti Beinveylenfi mo-
nasterio convenirent. Quo facto sa-
pienter præcavebant periculum non
obscurum, ne exterus quispiam, ele-
ctionis oppressa libertate, contra an-
tiqua Germaniæ & Episcopatus Iu-
ra, Antistes intruderetur: cui malo,
clanculariâ illa & festinatâ nemine
alio in conscientiam rei, quæ ageba-
tur, admisso, obviatum est, promul-
gato successore, antequam de
obitu constaret anteces-
soris.

BEATVS